

VENDIM
Nr. 23, datë 15.1.2020

**PËR DISA NDRYSHIME DHE SHTESA NË VENDIMIN NR. 368, DATË 20.6.2018,
TË KËSHILLIT TË MINISTRAVE, “PËR SHPRONËSIMIN, PËR INTERES PUBLIK
TË PRONARËVE TË PASURIVE TË PALUAJTSHME, PRONË PRIVATE, QË
PREKEN NGA REALIZIMI I PROJEKTIT: “RIKUALIFIKIMI NË ZONËN URBANE
PRANË QENDRËS SË QYTETIT VLORË”, ‘HARTIMI I PROJEKTIT URBAN,
RESTAURIMI I MONUMENTEVE TË KULTURËS NË KËTË ZONË DHE
RIKONSTRUKSIONI I OBJEKTEVE TË TJERA, VLORË”**

Në mbështetje të nenit 100 të Kushtetutës dhe të neneve 5, 20 e 21, të ligjit nr. 8561, datë 22.12.1999, “Për shpronësimet dhe marrjen në përdorim të përkohshëm të pasurisë, pronë private, për interes publik”, të ndryshuar, me propozimin e ministrit të Infrastrukturës dhe Energjisë, Këshilli i Ministrave

VENDOSI:

1. Në vendimin nr. 368, datë 20.6.2018, të Këshillit të Ministrave, bëhen ndryshimet dhe shtesat, si më poshtë vijon:

a) Në pikën 3, vlera nga “... 152 930 608 (njëqind e pesëdhjetë e dy milionë e nëntëqind e tridhjetë mijë e gjashtëqind e tetë) lekë ...” ndryshohet në “... 154 728 098 (njëqind e pesëdhjetë e katër milionë e shtatëqind e njëzet e tetë mijë e nëntëdhjetë e tetë) lekë ...”.

b) Pika 4 ndryshohet, si më poshtë vijon:

“4. Vlera e shpronësimit, prej 154 728 098 (njëqind e pesëdhjetë e katër milionë e shtatëqind e njëzet e tetë mijë e nëntëdhjetë e tetë) lekësh, të përballohet, si më poshtë vijon:

a) 152 930 608 (njëqind e pesëdhjetë e dy milionë e nëntëqind e tridhjetë mijë e gjashtëqind e tetë) lekë, të përballohet në masën 50% nga Bashkia Vlorë dhe 50% nga llogaria e shpronësimeve në Bankën e Shqipërisë;

b) 1 797 490 (një milion e shtatëqind e nëntëdhjetë e shtatë mijë e katërqind e nëntëdhjetë) lekë, nga buxheti i vitit 2019, miratuar për Bashkinë Vlorë.”.

c) Pika 5 ndryshohet, si më poshtë vijon:

“5. Shpenzimet procedurale, në vlerën 100 000 (njëqind mijë) lekë, të përballohen nga buxheti i miratuar për Ministrinë e Infrastrukturës dhe Energjisë.”.

ç) Në tabelën 2, bashkëlidhur vendimit, shtohet numri rendor 21, pasqyruar në tabelën që i bashkëlidhet këtij vendimi.

2. Ngarkohen Ministria e Infrastrukturës dhe Energjisë, Bashkia Vlorë dhe Agjencia Shtetërore e Kadastrës, Drejtoria Vendore Vlorë, për zbatimin e këtij vendimi.

Ky vendim hyn në fuqi menjëherë dhe botohet në Fletoren Zyrtare.

KRYEMINISTËR
Edi Rama

**RIKUALIFIKIMI NË ZONËN URBANE PRANË QENDRËS SË QYTETIT VLORË,
HARTIMI I PROJEKTIT URBAN, RESTAURIMI I MONUMENTEVE TË KULTURËS NË
KËTË ZONË DHE RIKONSTRUKSIONI I OBJEKTEVE TË TJERË, VLORË**

**Çmimi i konfirmuar nga ZVRPP Vlorë, për ZK 8601, për objektet e llojit apartament është
60986.32 lekë/m².**

Çmimi i truallit sipas VKM-së nr. 89, datë 3.2.2016.
Çmimi për objektet sipas VKM-së nr. 138, datë 23.3.2000 dhe udhëzimit nr. 3, datë 28.12.2016 i
EKB-së Tiranë.

TABELA 3

[illegible]